

Acuerdo Gobierno y Banco pa Utilities asunto di basta dia

Cambio di doño di banco na Curaçao relaciona cu debe Elmar

*Banco a permiti pone su hendenan den Utilities

*Riba un dia liber tabata tin reunion na Aruba

ORANJESTAD (AAN) - Riba e dia liber di Asuncion, cu tur hende tabata papia di reunion urgente di Gobierno pa kita cabez di Alfonso Boekhoudt relaciona cu e escandalo Namdar, DIARIO a muestra cu Ministro Presidente Nelson Oduber tabata ocupa e dia liber cu reunion cu e doño nobo di un banco di Curacao, cu filial di mes number na Aruba. Tabata tempo cu Gobierno tabata busca 100 Mijon Florin pa fia. Na e ocasion, e Ministro Presidente a pidi e doño di e banco di Curacao (cu no ta CMB pa clarifica duda), pa dune permiso pa cambia gerencia y comisarianan di Utilities. E banco, cu na Curacao a cumpra un compania di seguro tambe y NIB (e banco Hulandes cu a dune Elmar un prestamo), a bay di acuerdo.

E Banco di Inversion Hulandes, NIB, tin condicionnan sumamente fuerte pa salvaguardia y compania cu e ta duna prestamo. E ta percura pa tene politica for di prestamo. Ademas e ta exige pa politica no domina e compania y hasta ta exige pa cambianan den e constelacion di directiva y comisarianan no tuma lugar den e compania.


NIB na cierto momento a worde bendi door di un inversionista, cu a cumpra tambe un banco na Curacao, isla den Caribe, y un compania di seguro. E doño di e banco a dicidi pa reuni personalmente cu Ministro Presidente Nelson Oduber na Aruba, riba Dia di Asuncion, ora Aruba tabata worde hinca den direccion di pensa cu tur e movecionnan di Gobierno tabata dirigi ariba e forma pa deshaci di Alfonso Boekhoudt, cu lo mester a paga pasobra e lo a papia di mas den e escandalo di Namdar. DIARIO, sinembargo, a muestra cu ta reunion tabata tin entre Oduber y e bankero den e tempo cu Gobierno tabata busca 100 Mijon mas pa presta. Informacionnan ta indica, cu durante e encuentro a papia di e debe di

Elmar y Nelson Oduber a haya e aprobacion di e banco pa haci loke e kier cu e dirigentenan di Utilities. Pleito pa placa ya tabata andando den seno di Utilities. E Director y comisarianan a muestra Gobierno, cu Utilities no por duna 14 Mijon manera Gobierno kier pero solamente e 6 Mijon. Pesey mester a bini cambio di Director y Comisarianan, manera a socede. Esaki ta nifica cu e historia di manda Rob Henriquez bay di Banco Central, pasobra e tabata kita man di Gobierno for di caha di placa di Pueblo, a ripiti. E pleito pa placa a cuminsa na Utilities tambe y Gobierno a logra, cu aprobacion di e banco, pone un director y comisarianan nobo. Informantenan a bisa DIARIO, cu loke e banco,

como propiedad Hulandes, a trata di evita e tempo, a bira posibel ora e banco a cambia di doño, cu ta doño pues no solamente di NIB pero tambe di e banco comercial, cu oficina principal na Curacao, den Caribe. Interesante ta, cu entre e comisarianan nobo tin un ex Diputado di MEP, cu na 1982 a worde sentencia pa corrupcion door di Corte di Husticia. Aparentemente e banco, cu mester conoce e comisario nobo cu Gobierno a pone pa reemplaza esun cu no kier pa e mishi cu mas placa di Utilities, a bay di acuerdo cu e comisario aki tambe. Henter e asunto di manda Director y Comisarianan casta simplemente un asunto di placa. Straño ta cu e banco comercial di e doño nobo di NIB, no a participa na e obligatie lening, e prestamo

a base di abono di Gobierno di Nelson Oduber. No ta conoci cu awor cu na number di Gobierno, Aruba Investment Bank, ta emiti otro obligatie lening pa 50 Mijon, e banco comercial aki lo participa. Otro banco nan no tin mucho interes, mescos cu pa e promer 50 Mijon, segun DIARIO por comprende. Cu Gobierno ta mal pagador, banconan tambe sa. Antes Gobierno por a haya prestamo na un interes di 4 porciento pero awor a subi e taza di interes pa Gobierno, pues pa Aruba, na 7,5 porciento, loke ta afecta e debe nacional di Dos Bilyon di Florin poco mas. DIARIO ta sigui tras di e pista di e placa cu kier saca for di Utilities y e desaroyonan, cu ta muestra cu Aruba ta den problema mas serio cu e ta pensa.

PLACA, PLACA, PLACA!!



**BEST
DEAL**

Tel: 5827100

(Pariba di Aruba Bank. Paradera)

Night
Light
pa mucha.
Diferente
tema.

Cuminsando

for
di
Afl. 2,95